

SØKNAD OM UTSLEPPSLØYVE FRÅ HUS OG HYTTER - RETTLEIING

Kven har søknadsplikt?

Når du skal etablere eit utslepp av sanitært avløpsvatn eller vil auke eit eksisterande utslepp vesentleg, må du søke kommunen om utsleppsløyve. Dersom utsleppet er frå bustadhus, hytter, turistbedrifter og liknande verksemd, og det totale utsleppet er mindre enn 50 personekvivalenter (pe¹), fyller du ut søknadsskjemaet ”Søknad om utslepp av sanitært avløpsvatn frå hus og hytter”. Dette skjemaet får du hjå Flora kommune tenestetorget tlf 57 75 60 00. eller du kan laste det ned frå www.flora.kommune.no. Skjemaet gjeld både separate utslepp av sanitært avløpsvatn og utslepp frå små hussamlingar som samarbeider om ei felles avløpsløyving. Søknadsplikta gjeld og når avløp går til tett tank. **Skjemaet gjeld ikkje for påkopling til offentleg avløpsnett.** Dersom utsleppet kan påkoplast kommunalt nett gjeld andre krav enn det som vert omtala her. Det er ditt ansvar som ansvarleg eigar (tiltakshavar) å fylle ut ein nøyaktig og fullstendig søknad med alle opplysningar kommunen treng for å kunne handsame søknaden. Handsaminga av søknaden startar når eit fullstendig utfylt søknadsskjema med alle naudsynte vedlegg ligg føre

Kva må du gjere i god tid før du søker?

Les først denne rettleinga. Det aller meste av informasjon som du treng vil du få ved å lese denne nøye. Du kan og kontakte kommunen for å få vite kva krav og eventuelle lokale tilpasningar som kan gjelde der du vil sleppe ut avløpsvatn. Finn ut kva som vert kravd av informasjon og dokumentasjon i ein søknad om utsleppsløyve. Kommunen har plikt til å gi rettleiing om korleis du skal søke om utsleppsløyve og kva vilkår og krav som gjeld. Du må og sjekke med kommunen om det planlagde avløpsanlegget er i samsvar med kommunens planar etter plan- og bygningslova (sjå og pkt. 3. Eigedom/byggestad).

På www.sft.no. kan du og finne informasjon om avløpsregelverket og nærare opplysningar.

Innhent naudsynt informasjon og dokumentasjon. Det er du som søker som skal innhente all naudsynt informasjon og syne at det planlagde utsleppet er i samsvar med krava. Det kan ta tid å samle alt, så det er lurt å starte tidleg i prosessen.

Du må varsle naboar og andre særskild råka. Med andre særskild råka meiner ein til dømes drikkevassinteresser og næringsverksemd. Når du sender varsel til naboar og råka partar, skal du samtstundes sende kopi av varsel til kommunen. Dersom du er i tvil om kven som skal varslast, kan du be om ei liste over desse frå kommunen. Varsel skal sendast ut med svarfrist på minst fire veker frå varselet er sendt og skal innehalde dato for uttalefrist. Du må sørge for å få kvittering for at varsel er sendt (til dømes kvittering på rekommandert brev eller underskrift). Oversikt over kven som er varsla og kvitteringar skal leggst ved søknaden (vedlegg f) saman med eventuelle uttalar du har mottege (vedlegg g). Søknaden kan ikkje sendes til kommunen før svarfristen på fire veker har gått ut.

¹ Personekvivalenter (pe) er eit mål på mengde organisk materiale i avløpsvatnet. Eksempel på berekning av pe finn du under pkt. 2. Søknaden gjeld i denne søkerettleinga.

Kva må sendast inn til kommunen og korleis vert søknaden handsama?

Søknadsskjema der **alle** punkt er fylt ut sendast kommunen saman med **alle** naudsynte vedlegg (sjå pkt. 7 Vedlegg til søknaden). Ein fullstendig søknad skal handsamast av kommunen innan seks veker. Husk at dersom søknaden manglar opplysningar eller dokumentasjon, eller du har søkt om unntak frå reinsekra, vil handsaminga av søknaden din kunne ta lengre tid. Kommunen vil gi beskjed dersom informasjon manglar.

For 2007 er sakshandsamingsgebyret for utslepp under 50 pe kr 1757,-

Eg har sendt søknad om utsleppsløyve til kommunen:	Når kan eg vente svar?
Eg har sendt inn ein fullstendig søknad som er i samsvar med standardkrav og eventuelle tilleggskrav frå kommunen	Søknaden skal handsamast av kommunen innan seks veker. Dersom kommunen ikkje har svart på søknaden innan seks veker, kan løyve reknast som gjeve
Eg har sendt inn ein fullstendig søknad med krav om unntak frå reinsekra	Kommunens sakshandsamingsfrist på seks veker gjeld ikkje. Sakshandsaminga kan ta lengre tid, men søknaden skal handsamast uten ugrunna opphald
Eg har sendt inn en fullstendig søknad med kopi av protestar som kom inn i varslingsrunden	Kommunens sakshandsamingsfrist på seks veker gjeld ikkje. Sakshandsaming kan ta lengre tid, men søknaden skal handsamast uten ugrunna opphald
Eg har sendt inn søknad med utilstrekkeleg informasjon eller eg har ufullstendig søknad (ikkje alle punkta i søknadsskjema er fylt ut eller det mangler vedlegg)	Søknaden vil ikkje kunne bli handsama. Kommunen vil kontakte deg innan 6 veker og opplyse deg om manglane i søknaden.

Kvar kan du klage på vedtaket?

Eventuell klaga må sendast kommunen innan tre veker etter at vedtak er gjeve.

Kva krevst av deg når anlegget er i drift?

Anleggets eigar pliktar å dimensjonere, drive og vedlikehalde anlegget slik at lekkasjar kan førebyggast og sjenerande lukt unngåast. Eventuelle naboklagar skal takast vare på i fem år. Kommunen er tilsynsmynde og fører tilsyn med at krav vert overhaldne. Du må difor ta vare på informasjon om anlegget, drift og lekkasjar slik at kommunen kan få innsyn i dette. Kommunen kan krevje gebyr for tilsyn.

Utfylling av søknadsskjema

1. Ansvarleg (søkar)

Her skal du gi alle opplysningar som er naudsynte for at kommunen skal kunne kontakte deg eller sameiget/organisasjonen som søker om utsleppsløyve. Ansvarleg søkar er normalt den som eig og driv anlegget (ansvarleg eigar/tiltakshavar) og som er ansvarleg for utsleppet, herunder anlegget si drift og vedlikehald. Det er den som er ansvarleg som eventuelt vil verte ilagt tvangsmulkt dersom krava vert brotne. Husk at dersom ansvarleg søkar ikkje er den same som ansvarleg eigar, skal dette oppgjevast under pkt. 8. Eventuelle merknader.

2. Søknaden gjeld

Her skal du oppgi om søknaden gjeld eit nytt utslepp eller ein vesentleg auke av utslipp. Med vesentleg auke meiner ein til dømes installering av vassklosett, dusj, bad eller våtrom, at fleire bustader vert kobla til anlegget, installering av matkvern etc. Det er opp til kommunen å avgjere kva som er vesentleg auke i det einkskilde tilfelle. Vidare må du oppgi om søknaden gjeld heilårsbustad, fritidsbustad og/eller annan bygning, samt tal bygningar i dei ulike kategoriene. Dersom vassklosett skal installeres må dette oppgjevast her. Utsleppets forventa storleik skal oppgjevast i tal personekvivalenter (pe). Pe er et mål på mengde organisk materiale i avløpsvatnet. Ein kan finne pe på flere måter, men som hovedregel seier vi:

- Utslepp frå hus og hytter med innlagt vatn og vassklosett: 1 person bidreg med 1 pe
- Utslepp frå hytter med innlagt vatn, utan vassklosett: 1 person bidreg med 0,3 pe

Ta kontakt med kommunen dersom du er usikker på korleis du bereknar utsleppets forventa storleik.

Døme 1:

Hus med innlagt vatn og vassklosett, husstand med seks personar: $1 \text{ pe/person} * 6 \text{ personar} = 6 \text{ pe}$ i avløpsvatnet.

Døme 2:

3 hytter med innlagt vatn og vassklosett og 10 sengeplassar i kvar hytte: $3 * 1 \text{ pe/person} * 10 \text{ sengeplassar} = 30 \text{ pe}$ i avløpsvatnet.

Døme 3:

Hytte med innlagt vatn utan vassklosett, 10 sengeplassar: $0,3 \text{ pe/person} * 10 \text{ personar} = 3 \text{ pe}$ i avløpsvatnet.

3. Eigedom/byggestad

Her skal du gi opp gardsnummer (gnr) og bruksnummer (bnr), og adresse på bygningen eller bygningane som det vert søkt om utslepp frå. Gards- og bruksnummer kan du få ved å vende deg til kommunen sitt tenestetorg. Bruk eventuelt eige ark som du legg ved under punkt d, Liste over eigedomar tilknytt avløpsanlegget med gnr., bnr. og adresse. Du må sjekke med kommunen om utføringa av det planlagde avløpsanlegget er i samsvar med kommunens planar etter plan- og bygningslova. Dersom utføringa av avløpsanlegget ikkje er i samsvar med kommunens planar, må du innhente løyve frå kommunen. Husk å gi opp dato for når løyvet blei gjeve. Dersom kommunen ikkje vil gi løyve kan ikkje anlegget byggast/etablerast.

4. Utsleppsstaden

Her skal du gi opplysningar om utsleppsområdet. Det vil sei om avløpsvatnet går til innsjø, bekk/elv, elvemunning, sjø osv. Du skal og gi opp namn på lokaliteten og kartkoordinatar. Kart med kartkoordinatar på kan du få hjå tenestetorget. I løpet av januar/februar 2007 vil du og finne kart på kommunens internettsider. Husk å gi opp kva kartdatum/koordinatsystem du brukar. På kommunens kart vert det nytta NGO 48 akse 1. Avløpsanlegget si plassering og utsleppsstad skal merkast av på kartet. På same kart skal du og merke av eigedomsgrensar og eventuell tilkomst via veg (for slamtømming, vedlikehold etc.). Kartet skal leggest ved søknaden (vedlegg c). Gjeld søknaden utslepp til vatn, må du gi opp kor mange meter under lågaste vasstand det sleppast ut (utsleppsdjup). Dersom det skal sleppast ut mindre enn to meter under lågaste vasstand skal dette gjevast opp og grunngjevast under pkt. 8. Eventuelle merknader.

5. Reinsegrad

Kva reinsekrav som gjeld på den staden du planlegg utsleppet, er avhengig av om utslippsstaden ligg i eit normalt eller mindre følsomt område, om det er brukarkonflikter involvert og om det er fare for overgjødning. Informasjon om standardkrav og ulike reinseløysingar finn du på www.avlop.no. Det kan være nyttig å ta kontakt med kommunen eller ein fagkyndig for å få naudsynt informasjon eller rettleiing om kva reinsekrav som gjeld der du planlegg utslepp. Du kan og få ein fagkyndig til å gjere vurderingane for deg.

Boks 1

Ligg staden der du vil sleppe ut avløpsvatn i normalt område eller mindre følsomt område? I Flora kommune er desse områda definert slik:

Normalt område:

- Alle ferskvassførekomstar, dvs der ein ikkje kan etablere utslepp til sjø

Mindre følsomt område:

- Utslepp til sjø

Ingen område i Flora er definert som følsomme

Boks 2: Vert brukarinteresser råka?

Du må gjere ei vurdering av brukarinteresser som kan/vil bli råka av utsleppet (til dømes drikkevatn, bading, fiske, turløyper, næringsverksemd etc.) og utsleppsstadens plassering i høve til desse brukarinteressene. Vurderinga skal leggest ved søknaden (pkt. 7, vedlegg e). Dersom du er i tvil, kan det være nyttig å kontakte ein fagkyndig som kan gjere ei nøytral vurdering.

Boks 3: Er det fare for overgjødning?

Kontakt kommunen for å få informasjon om det er fare for overgjødning i det området du ønsker å sleppe ut avløpsvatn.

5.1 Normalt område

Dersom staden du vil sleppe ut til er klassifisert som normalt område (sjå tekstboks 1), set du kryss i boks 5.1 (Reinsegrad jf. § 12-8, normalt område). Etter det må du gjere ei vurdering av eventuelle brukarkonflikter (sjå tekstboks 2) og fare for overgjødning (sjå tekstboks 3). Dersom det er brukarinteresser involvert, skal du krysse av i boks 5.1.a (90 % reduksjon av fosfor, 90 % reduksjon av BOF₅) som er det strengaste reinsekravet. Dersom det ikkje er brukarinteresser involvert, men fare for overgjødning, set du kryss i boks 5.1.b (90 % reduksjon av fosfor og 70 % reduksjon av BOF₅). Dersom det ikkje er brukarinteresser eller fare for overgjødning, set du kryss i boks 5.1.c (60 % reduksjon av fosfor og 70 % reduksjon av BOF₅). Gjeld søknaden kun gråvatn (avløpsvatn som ikke inneheld klosettvatn) som vert sleppt ut i stadeigne lausmassar eller eigna gråvatnanlegg, skal du krysse av i boks 5.1.d (Stadeigne lausmassar eller tilsvarande).

5.2 Mindre følsomt område

Dersom staden du vil sleppe ut til er eit mindre følsomt område skal du sette kryss i boks 5.2 (Reinsegrad jf. § 12-9, mindre følsomt område). Kryss av for om reinsinga tilfredsstillar **anten** 5.2.a (20 % reduksjon av suspendert stoff) **eller**

5.2.b (maksimum 180 mg suspendert stoff/liter). Gjeld søknaden gråvatn som skal sleppast ut til mindre følsom sjøvassresipient, er det ikkje krav til reinsing og du kan krysse i boks 5.2.c (Ureinsa).

5.3 Unntak frå reinsekrav

Dersom du søker om **unntak frå reinsekrava** skal du krysse av i boks 5.3 (Det vert søkt unntak frå §§ 12-8 til 12-9). Husk at grunngjeving/spesifisering for ynskje om unntak frå reinsekrav må leggest ved søknaden (vedlegg a).

Under punktet **Type reinseanlegg** skal du gi opp kva slag reinseanlegg du ynskjer å installere. Anleggets reinsegrad skal dokumenterast. Dokumentasjon skal legges ved søknaden (vedlegg b).

Dokumentasjon av reinseanlegg for ferdigprodusert minireinseanlegg

Dersom du skal installere eit ferdigprodusert minireinseanlegg, må dette være test i samsvar til NSEN12566-3. Sjekk at anlegget har CE-merke (NS-EN12566-3) og at reinsegraden til minireinseanlegg tilfredsstillir reinsekravet for ditt utslepp (du har angitt reinsekrav under pkt 5. Reinsegrad). Dokumentasjon av reinsegrad for minireinseanlegg må minst innehalde følgjande opplysningar:

- Namn på firma/institusjon som har utført testen
- Dato for testrapport
- Oppnådd reduksjon ved testing i hht. NS-EN 12566:
- Organisk stoff KOF (% reduksjon)
- Suspendert stoff SS (% reduksjon)
- Totalfosfor tot-P (% reduksjon)
- Slamproduksjon (m³/år)
- Temperatur under testforhold (C)

Dokumentasjon av reinsegrad for andre reinseløysingar

Dokumentasjon av reinsegrad for andre reinseløysingar enn minireinseanlegg må innehalde ei skildring av anlegget som syner at anlegget er dimensjonert og utforma slik at det stettar reinsekravet. Nærare rettleiing om kva vedlegget skal innehalde er skildra på nettstaden www.avlop.no. Anlegget sin dimensjonerte storleik skal oppgjevast i tal personekvivalenter (pe). Dette vil du kunne finne til dømes i anleggsleverandørens dokumentasjon. Vurdering av kor stort anlegg du skal velge bør gjerast med eit perspektiv på ti år. Dimensjoneringen kan ikkje være mindre enn utsleppets venta storleik som du har gjeve opp under pkt. 2, og bør uansett ikkje være dimensjonert for mindre enn fem pe.

6. Opplysningar om medverknad frå nøytral fagkyndig

Her skal du gi opp kven (nøytral fagkyndig person/firma/leverandør) som har hjelpt deg med dokumentasjon av reinsegrad, utforming og dimensjonering av anlegget, og kven som vil medverke ved installasjon av reinseanlegg. **Vær merksam på at dokumentasjon av anlegget sin reinsegrad skal være utført av nøytral fagkyndig. Du har ikkje høve til å dokumentere reinsegrad sjølv.** Husk at dokumentasjon av reinsegrad skal leggest vedl søknaden (vedlegg b).

7. Vedlegg til søknaden

Søknaden vert ikkje rekna som fullstendig før alle naudsynte vedlegg ligg føre. Manglar det naudsynte vedlegg vil søknaden ikkje kunne bli handsama. Under finn du ei liste over naudsynte vedlegg.

a. Grunngeving for ynskje om unntak frå §§ 12-8 til 12-9

Dersom du søker om unntak frå reinsekrav skal dette grunnjevast særskilt. Vær merksam på at dersom det vert søkt om unntak frå krav, gjeld ikkje kommunens sakshandsamingsfrist på seks veker.

b. Dokumentasjon av reinsegrad jf. § 12-10 og skildring av anlegg

Sjå pkt. 5. Reinsegrad

c. Plassering av avløpsanlegg, utsleppsstad, eigedomsgrenser og tilkomst via veg (for slamtømming, vedlikehald osv.) på kart i målestokk 1:5000 eller større

Sjå pkt. 4. Utsleppstad

d. Liste over eigedomar tilknytt avløpsanlegget med gnr., bnr. og adresse

Dersom du skal knytte deg til eit eksisterende reinseanlegg eller avløpsleidning, må du legge ved ei liste over kva bygningar som alt er tilknytt anlegget. Gnr. og bnr for desse bygningane får du ved å vende deg til kommunen.

e. Oversikt over interesser som blir råka (drikkevassforsyning, rekreasjon, næringsverksemd etc.). Skildring av tiltak for å motverke interessekonflikter og tiltak for å ta i vare helse og miljø.

Sjå pkt. 5. Reinsegrad (Boks 2).

f. Oversikt over kven som er varsla om planlagd utslepp (naboar, kommunelege og andre særskild råka)

Du må lage ei liste over kven som har blitt varsla om det planlagde utsleppet og du må legge ved kvittering på at varsel er sendt dei respektive (til dømes kvittering på rekommandert sending eller underskrift).

g. Eventuelle mottekne uttalar

Dersom du har motteke uttalar skal desse leggest ved søknaden.

8. Eventuelle merknader (ikkje obligatorisk)

Her kan du skrive eventuelle merknader du meiner er nyttig informasjon for kommunen når søknaden skal handsamast.

9. Underskrift og erklæring

Merk at det er ansvarleg eigar som skal underteikne søknaden. Ansvarleg eigar innestår for at det er gjeve riktige og fullstendige opplysningar og at eigar plikter seg til å følgje de gjevne føresegner og krav, herunder føresegner og krav som gjeld drift og vedlikehald.